

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Provisione Et Obtentione Beneficiarvm

**Leuren, Peter**

**Coloniæ Agrippinæ, 1704**

365. An, ubi pauciores sunt Electores quàm quatuor, servari possit forma  
c. quia propter, quo ad danda & recipienda suffragia; & si non sint, quid  
faciendum.

---

[urn:nbn:de:hbz:466:1-74485](https://nbn-resolving.de/urn:nbn:de:hbz:466:1-74485)

sed & poterunt iterare scrutinium, eoque ritè perfecto eligere, ita etiam, ut, si in priori scrutinio erraverint, habeant jus, & possint errorem hunc corriger, & habere bonum scrutinium, non expectato judicio confirmatoris; alii interim, qui ad malam electionem communem progressi jus suum eligendi pro ista vice amittentibus. Pass. n. 39. qui tamen n. 40. citans pro se Abb. Sigism. Lavor hoc ipsum sic limitat: ut quando scrutinium publicatum ipso facto non est nullum; sed cassandum tantum, non possint Electores, utope jam functi officio suo, illud revocare, sed debeant tunc progredi ad electionem communem, & totum judicium relinquere iudicis seu confirmatoris, aut superioris arbitrio, utope qui potest electionem talem cassandam confirmare. Idem dic, dum cassanda est electio ob contemptum alicujus; poterit enim tunc contemptus eam ratificare. Idem ait Pass. n. 41. dicendum, quod non est certum & notorium, scrutinium habitu & electionem vi illius habendam esse ipso facto nulla.

**Quæstio 363. à quo, & quo ordine, & qualiter ipsorum Scrutatorum vota exquiri debeant?**

1. **R**espondeo primò: ad hoc opus non esse, nec debere afluxi quartum scrutatorem aut notarium; cum c. quia propter decernens tres assu-mendos scrutatores de hoc nihil habeat; habeat autem praxis, ut scrutatores se invicem scrutentur. Barb. ad cit. c. num. 23. ibid. Host. Abb. Innoc. Butrio. Mirand. 10. 2. q. 21. 4. 29 Biaz. p. 3. c. 26. n. 8. Pass. cit. c. 18. n. 47. citans plures alios.

2. Respondeo secundò: in scrutinio per schedas complicatas, utope in quo nec electorum nomina cognoscuntur, nec scheda aperiuntur, nisi illis omnibus receptis, & permixtis, parum interesse, num primò vel ultimò conjiciant schedas in urnam; in scrutinio vero auriculari utile valde est & convenientis (non tamen etiam post Trident. necessarium, ut bene ostendit Ball. n. 50. contra Sigism. Samuel. Lavor.) ut scrutatores prius seipso scrutentur, & dent vota, ne dum jam consciū aliorum votorum, ex hoc dirigant sua vota, & sic pro arbitrio suo sibi concludant, vel non concludant electionem. Quamvis autem per se malum non sit, & inutile aut damnosum electioni, sed sibi valde utile, dirigunt Electores aliquos ex notitia voti aliorum ad referendum votum suum, possintque ex hoc concludere electionem (cum per hoc quod Elector videat, jam à collega esse electum digniorum, ab eligendo minus digno dimovetur), vel etiam concludere possit electionem magis digni alias non concludendam pro hoc: quin & in electione Papæ detur locus accessui, dum postquam collegium jam conciū, Titum nominatum esse in scrutinio, possunt Electores singuli, relictō priore voto suo, ad illum accedere) quia tamen facilius contingere potest, ut ex hac scientia in scrutatoribus oriatur timor aliquis prejudicantis libertati, aut motivum inducens ad electionem minus digni (v. g. & praesertim, ubi innotuit jam votum dignioris habentisque primam vocem in capitulo, qui sibi potens est, & caput unius factionis, maleque tractare solet eos, qui sibi non adhaerent in electionibus) adeoque potius timendum hoc malum, quam sperandum illud bonum, hinc inquam consultius est, ut scrutatores primo scrutentur seipso. Host. in sum. de elect. §. quælior facienda. Biaz. p. 3. q. 26. n. 6. Pass. n. 45. & 52. &c.

ac specialiter ob datam rationem non scrutentur ante se talem dignorem. Pass. n. 51. contra Cuch. Rodriq. Biaz.

**Quæstio 364. An, & qualiter vota data vo-ce, vel etiam per schedas, nimisrum postquam Electores omnes schedas suas dederunt, redigenda sint in scriptum?**

1. **R**espondeo ad primum affirmativè, estque hæc scriptura de substantia electionis, ut patet ex c. quia propter ibid. Innoc. Imol. Abb. &c. Pass. n. 66, citans Tamb. Suar. Balf. &c. qualiter tamen non sit de essentia omnis electionis, Pass. n. 68. videndum monet apud Rotam decis. 289. n. 30. parte 6. & 244. n. 4. p. 8. recent.

2. Respondeo ad secundum; scribenda esse vota ab ipsis scrutatoribus ex mente rectus c. quia propter Pass. n. 67. Et quia facilius unus potest errare, ab omnibus tribus scribenda sunt. Pass. Prius tamen numerandas sunt schedæ, & earum numerus conferendas cum numero vocalium, ita ut, si non sunt hi numeri æquales, schedæ sine comburendæ, & habendum novum scrutinium; iis vero existentibus in æquali numero cum Electoribus, singulatim ab omnibus scrutatoribus sunt legendæ, & sic describenda. Pass. n. 63. Porro in casu, quo in scrutinio per schedas scripturæ hæc scrutatorum non convenienter inter se, schedæ iterum accurate legendæ, & verus numerus colligendus: in scrutinio vero auriculari, dum duo convenient in scriptura, ei standum est, si omnes dissentiant, & convenire nequeant, iterandum est scrutinium. Pass. n. 67.

**Quæstio 365. An, ubi pauciores sunt Electores quam quatuor, servari possit forma c. quia propter quoad danda & recipienda vota; & si non sunt, quid faciendum in eo casu?**

1. **R**espondeo præter ea, quæ passim hac de reddit. At sunt in antecedentibus,

1. Primò, tunc servari non posse formam; quia tunc iidem sunt scrutatores & collegium, adeoque nequit esse manifesta scrutatoribus, quin hoc ipso sit manifesta tori collegio, ut bene Pass. cit. c. 18. n. 69, vere ibi non sunt scrutatores, sed totum collegium sua vota recipit & scrutatur.

2. Secundò, si potestas Capituli redacta est ad unum solum Electorem, opus non est nominatione & electione distinctis; sed poterit is nomine totius capituli eodem actu nominare, eligere, & publicare electionem, dicendo coram testibus (& majoris securitatis gratiâ adhibito insuper Notario) vice Collegi eliga Titum. Cuchus de elect. l. 4. n. 202. Donat. 11. 1. q. 17. n. 7. Pass. n. 70. Si autem & is solus de collegio habeat vocem passivam; cum seipsum eligere nequeat, non manet locus electioni, sed vel ille tunc censetur electus à jure, ita ut opus tantum sit, electionem istam factam à jure confirmari à confirmatore, ut Cuch. loc. cit. n. 3. vel confirmator ipse dare illum debet in Prælatum Ecclesie, ut Sigism. dub. 23. n. 8. ubi eligendus debet esse de Collegio; Superior enim, dum ad eum devolvitur electio, alium promovere nequit, quam habentem requisitas in eligendo per Electores qualitates. Pass. num. 70. Quod si autem adhuc voce passivâ privati, quos Superior (ubi id posset) habilitare denuò ad vocem passivam, non jam ipse Superior, sed is, penes quem solum remanserat jus eligendi, unum ex iis nominare posset. Pass. n. 71.

Ter-

3. Tertiò, si duo tantum sunt Electores, nec habere tenentur, aut possunt scrutini leges, sed possunt publicè inter se eligere. Tuscus Lit. E. concl. 71. & 78. Lavor. c. 19. n. 58. Pass. n. 72. sive enim elegere possunt aliquem extra Collegium, sive non, scrutinium semper erit inutile; cum quisque eorum legeret alterius schedam, & sciret electionem illius non minus ac si voce facta esset. Porro ubi extraneum eligere non possunt, poterit fieri electio valida. Peyr. to. 3. c. 13. n. 19. ubi nimirum unus ex illis renunciat voci sua activa, & sic ab altero nominatur. Pass. loc. cit. Sigism. dub. 23. n. 5. Samuel de elec. tr. 1. d. 3. controv. 8. n. 7. ubi tamen specialistato vel consuetudine statutum, ut quis nequeat vi renunciatiois vocis sua evadere electus, devolvitur tunc in dicto casu election ad Superiorēm, qui tamen non nisi unum ex istis duobus promovere poterit. Natura. de elect. cons. 6. n. 4. Sigism. & Pass. ll. cit.

4. Quartò: si tres tantum sunt Electores, nec habere possunt leges scrutini, dum extraneum elegere nequeunt, quoquinque enim modo fiat, vota eligentium toti capitulo erunt manifesta, ut bene ostendit Pass. n. 73. contra Sigism. loc. cit. n. 2. Idem est in scrutinio auriculari, et si extraneum eligere possint, ut patet, tunc tamen in scrutinio per schedas (ubi forte ad illud ex speciali statuto tenentur, cum ex vi c. quia propter, aut Concilii Trident. ad istum scrutinii modum non teneantur. Pass. n. 74. forma dicti capituli servari potest, ac debet; licet enim & tunc, nisi Electores in scribendo ordinarium suum scribendi stylum seu characterem valde mutent, vel manu alienā scribant schedas suas, impedire nequeant, quin singuli alii duobus, adeoque toti Capitulo innotescant; quia tamen sic sua nomina occultare possunt; nihilominus tenebuntur ad leges scrutinii. Pass. loc. cit. Lavor. c. 19. n. 59.

#### Quæstio 366. Qualiter terminetur & compleatur Scrutinium?

R Espondeo: per hoc, quod scrutatoribus vel omnibus eligentibus auditis, & omnium schedis lectis, vota omnium scripto adnotatis, distinetque scripsierint, à quo unusquisque Electorum nominatus fuerit,

#### PARAGRAPHVS X.

#### De publicatione Scrutinii, & Electione communi.

#### Quæstio 367. Quid faciendum post compleatum scrutinium?

R Espondeo: illud mox publicandum, c. quia propter. Ita ut mox importet exigua mora temporis, vel potius, quod publicatio fieri debeat in continente, nullo actu extraneo interveniente. gl. in c. quia propter, ibid. Barb. n. 25. Lavor. loc. cit. n. 82. Miran. to. 2. q. 23. a. 29. Pass. c. 19. n. 2. De ceterò ubi mora illa à jure vel consuetudine ( cui alias standum) determinata non est, verificanda ista dictio mox ad arbitrium judicis, habito respectu ad circumstantias. Lavor. Pass. ll. cit. Tusch. l. d. concl. 311. Sigism. d. 36. n. 4.

Quæst. 368. Cui, à quo, qualiter, & quā necessitate facienda hac publicatio?

1. R Espondeo ad Primum: Capitulo congregatos id enim intelligitur per verba illa cap. quia propter vota redacta in scriptis mox publicent in communione. Sylv. v. elec. 2. n. 9. ex Archid. Perinde autem est, an ibi tunc etiam sumus ad finem extranei. Pass. n. 4.

2. Respondeo ad secundum: ab uno Scrutatorum Suar. to. 4. de relig. tr. 8. l. 2. c. 5. num. 15. cum communis, illo nimirum, qui est inter illos primus, vel qui ex illis à Capitulo ad hoc electus, vel per statuta particularia, aut consuetudinem deputatus fuit. Pass. loc. cit.

3. Respondeo ad Tertium: dicendo v. g. habemus prælatum nam cum essemus decem, Titius habuit sex vota, Caius duo, Sempronius unum, & unum votum fuit album, vel incertum & inutile; sic enim vota determinate describi & distribui debent, ut capitulum sciatur, qualiter ad electionem procedere possit. Abb. Pass. & alii passim cum communis.

4. Respondeo ad quartum: publicationem Scrutinii factam in communis esse de substantia & forma electionis. Abb. Host. Jo. And. ad c. quia propter. Miran. Suar. Lavor. ll. cit. Pass. n. 3. & apud illum Castel. Donat. Tamb. &c.

Quæstio 369. An, non obstantibus verbis istis c. quia propter: Vota mox publicentur, nullo prorsus appellationis obstaculo interjecto: possit appellari à scrutinii publicatione?

1. R Espondeo primò: antequam, vel etiam postquam vota redacta sunt in scriptum, usque ad illud momentum, quo publicandum scrutinium, locum habet appellatio, & suspendit; dum nimirum volenti intra hoc tempus mutare suum votum, id denegatur, potest is potestari contra istam denegationem, & à futura publicatione scrutinii appellare, si fiat eo non permisso mutare votum suum. Similiter si Scrutatores ante completum Scrutinium (quale est dum vota finaliter redacta in scriptum, nullo apparente, qui mutare velit votum) vellent illud publicare, meritò Electores contradicerent, & à tali publicatione appellarent, & huic appellationi citatus textus non est contrarius; supponit enim Scrutinium finitum, quo finito, vi dicto textus non licet appellare à publicatione Scrutinii, & facta forte appellatio est rejicienda. Pass. num. 5. Biaz. p. 2. o. 29. n. 1.

2. Respondeo secundò: post publicatum Scrutinium, si Scrutatores omnes, vel etiam duo eorum, concordent in Scriptura; quacunque appellatio contra Scripturam rejicienda, & ad electionem communem procedendum. Pass. n. 6. ubi etiam monet, nullatenus publicandum Scrutinium dubium, ita etiam, ut si Scrutatores discordes (intelligi omnes) publicent scrutinium, illud tanquam nullum sit iterandum. Adeoque Scrutatores discordantes in scriptura, priusquam publicent scrutinium inter se convenire debere, ut concordent, saltem duo illorum, iterum legendi & conferendo schedas, vel si scrutinium fuit auriculare, revocando ad scrutinium unum vel alterum, de quorum votis forte est dissidium; quod si est implicitè nullatenus publicando nominatos in scrutinio; debere illos illud curare iterari.